



21. januar 2008

Inatsisartut Suleriaasianni § 36 imm.1 tunngavigalugu Naalackersuisunut apeqquteqaatit makkua apeqquteqaatiginiarpakka:

Suliartunngitsoortarnermut tunngatillugu Naalackersuisunut apeqquteqaatit

(Inatsisartunut ilaasortaq Jens B. Frederiksen, Demokraatit)

Inuutissarsiornermi Pisorta qarfiup napparsimanermik peqquteqartumik suliartunngitsoortarnermik nalunaarusiaani takuneqarsinnaavoq Kalaallit-nunatsinni sulisut tamarmiusut napparsimallutik suliartunngitsoortarneri katillutik 6%-it missaaniissasut naatsorsuutigineqartoq, suliartunngitsoortarnerillu taakkua procentimik ataatsimik appartinneqaraangata 62 mio. kr.-inik sipaaruteqarsinnaasaraluartugut. Ilanngullugu nalunaarusiami nalilerneqarpoq, ”*ullumikkut napparsimanernik peqquteqartumik suliartunngitsoortarnerit annertussusaasa kiisalu napparsimanernik peqquteqartumik suliartunngitsoortarnerit millisinniarlugit sorpianik suliniuteqarnerit akornanni naleqqiussissutaasinnaasut amigaatigineqartut.*”

Demokraatiniit isumaqarpugut ajornartorsiut manna qanoq iliuseqarfigissallugu piffissanngortoq – minnerunngitsumillu maannakkut, tassa namminersulivinnissatta tungaanut immitsinnullu napatilernissatta tungaanut ingerlaleruttornitsinni nammineerlutalu aningaasatigut nammassinnaasatsinnik ingerlassalluta siunniussinitsinnut ingerlaleruttornitsinni. Sulinerup tungaatigut nakkangasumik inissisimanissarput, tamatumalu kingunerisaanik unammillersinnaassutsitta apparsarnissaanut akissaqanngilluinnarpugut.

Demokraatit siulittaasuata, Per Berthelsen-ip 2004-mi upernaakkut Inatsisartut ataatsimiinnerani apeqqut taannarpiaq apeqquteqaatit tunngavigalugit oqallinnermut saqqummiunnuuaa. Tamatumunnga atatillugu taamanikkut kaammattuutigaa – Namminersornerullutik Oqartussat, Kommunit sulisitsisullu kattuffii – suleqatigiillutik peqquteqanngitsumik suliartunngitsoortarnerit ajornartorsiutaanerisa nungusarnissaat siunertaralugu qanoq iliuseqarnissamut pilersaarummik pilersitsisoqassasoq.

Kaammattuineq tamanna Naalackersuisut ilaannakuugaluartumik ilassivaat, tassami Naalackersuisut Arbejdsmiljørådet ukiumi aggersumi (taamanikkut 2005 pineqarpoq) suliartunngitsoortarnerup ajornartorsiutaanera annertunerusumik sammequllugu qinnuiginiarlugu neriorsuuteqarnikuupput.

Inatsisartut ataatsimiinnerani kingullermi Naalackersuisumut apeqquteqaatinik marlunnik apeqquteqaateqarfiginikuuakka, tassa apeqquteqaatit tunngavigalugit oqallinnerup pineqartup Naalackersuisunit qanoq suliniuteqarsimanersut pillugu. Ilaatigut Naalackersuisut apeqquteqaateqarfigaakka Arbejdsmiljørådip Naalackersuisunit saaffigineqarnini tunngavigalugu qanoq suliniuteqarsimanersuq. Apeqqut taannarpiaq Naalackersuisut takkuitsoorumangikkunukku akissuteqarfiginissaat puigorsimavaat. Naatsorsuutigaara tamanna nalaatsornikkut pisimassasoq. Kisiannili



unneqqarissuunissaq eqqarsaatigalugu Naalakkersuisut puigugaqarsimassagunik tamanna iluar-siiviginissaannut periarfissikkusuppakka.

Naalakkersuisullu makkunatigut paasissutisseeqqullugit qinnuvigerusuppakka:

1. Naalakkersuisut – neriorsuuteqarnermittut – Arbejdsmiljørådemut saaffiginninnikuup-pat?
2. Taamaattoqarsimassappat Arbejdsmiljørådit suliartunngitsoortarnerup ajornartorsiutaa-nerata sammineqarnerunissaa pillugu 2005-imi sunik suliniuteqarsimava?

Apeqquteqaatinnut akissuteqaammut ilanngullugu (ammasumik innuttaasunik sullissinissamut Inatsisartut inatsisaat tunngavigalugu) Naalakkersuisut Arbejdsmiljørådemut saaffiginnissutaata assilineqarnera ilanngunneqassasoq kissaatigaara.